



**Petri Venerabilis Abbatis Cluniacensis; Illvstrivm
Miracvlorvm Libri II**

Petrus <Cluny, Abt>

Coloniæ, 1611

IV. De obitu fratris cuiusdam, & ad ultimum facta confessione.

[urn:nbn:de:hbz:466:1-64969](#)

adhuc exemplo monstrare curabo.

De obitu fratris cuiusdam & ad ultimum facta confessione.

CAPVT IV.

AD monasterium sancti Ioannis Angeliacensis, quod in Xantennensi pago situm est, presbyter quidam Gilbertus nomine ad cōuercionem venit, atque ibi per aliquantum temporis quoad vixit, deuotè conuersatus est. Contigit autem non multo temporaliter claps, eum ex infirmitate quā incurrit ad extrema venire. Cumq[ue] sicut mos christianorum est, & maximè monachorum in substrato cilicio & cinere, à fratribus compositus iaceret, atque horam vocationis suæ expectaret, fratres monasterij ut eius exitum orationibus commendarent venerunt, & cum vndique psallendo circumsteterunt. Qui cum vt defungeretur expectarent, ecce subito resumpto spiritu & apertis oculis, acclamare cœpit professionem fidei quæ quotidiè decantatur, hoc est, qui cumque vult saluus esse, & cætera. Et cum prius idiota & imperitus litera-

rum

rum fuisse ab omnibus agnoscetur,
ita distinctè & apertè singula profe-
rebat, ut à nescientibus si fortè ades-
sent, peritissimus in talibus extitisse
crederetur. Qua de causa omnes
qui astabant stupefacti, cumentum rei
admirabantur. Qui cum diu admira-
rantes hæsisserent, tandem Prior Gre-
gorius nomine, cui pia ceteris hoc
incumbebat, vir bonæ religionis in-
telligens eum aliquid in occulto vi-
disse, ad eum se inclinavit, & quæ
causa clamoris esset, vel si quicquam
quod eos lateret vidisset, iaterrogauit.
Ad quod ille. Vidi (ait) personam re-
uerendæ formæ, candidi habitus & ve-
nerandæ canicie, paulò ante vas cum
aqua afferre, mihique dicere. Noueris
causam aduentus mei ad te hanc esse,
ut pedes tuos qui inquinati sunt
abluam, & eis ablutis totum te mun-
datum reddam. Cumque admirari me
super his quæ dicebat cerneret, adie-
cit. Non nosti (ait) ad purgationem
tui hanc aquam esse necessariam, qui
tale quod ipse nosti crimen commi-
stisti, quod de industria cœlans, nul-
li haec tenus reuelare voluisti? Va-
de scias te nullatenus posse saluari,
nisi

nisi quod perniciosè cælaueras , salubri-
ter &udeas confitendo manifestare. Deus
verò multa sua misericordia , neque pro-
tanto etiam reatu te perire permittens,
ad sensus corporeos te redire permit-
tit : vt de tanto crimine confitendo
poenitere , & poenitendo salutem con-
sequi merearis . Hac igitur de cau-
sa & à vobis absui , & ad vos redi-
re permisus sum . His ita dictis a-
lijs remotis Priorem aduocans , pec-
catum illud ei confessus est . A quo
huius & omnium peccatorum suo-
rum absolutione susceptra sequenti
die , prima hora diei , astantibus &
orantibus fratribus , læto vultu , bo-
no fine quieuit . Hoc non ab alio,
sed à monacho eiusdem monasterij ,
Lecto nomine , qui hæc omnia vi-
derat & audierat , agnoui . Hic enim
postea Cluniacum gratia deuotionis
veniens , scriptor noster & fi-
lius in Christo charis-
simus fuit .

(3.)

Dial-